



CHIESA EVANGELICA RIFORMATA
GRIGIONESE
BASELGIA EVANGELICA REFURMADA
DAL GRISCHUN
EVANGELISCH-REFORMIERTE
LANDESKIRCHE GRAUBÜNDEN
LOËSTRASSE 60, 7000 CHUR
TEL. 081 - 257 11 00, FAX 081 - 257 11 01
E-MAIL landeskirche@gr-ref.ch
www.graubuenden-reformiert.ch

Publicaziun nr. 663

Atun 2012

Il Cussegl da la Baselgia evangelica preschenta als consistoris ed als colloquis las suandantas tractandas ed infurmaziuns per tractar quellas, respectivamain per orientaziun.

Cuntegn

| | |
|---|-----------|
| I. Consultaziun | 4 |
| 1. Tractandas | 4 |
| II. Communicaziuns/enquistas dal Cussegl da baselgia | 5 |
| 2. «Furmar la raspada» | 5 |
| 3. Utensil per la planisaziun annuala da las lavurs | 6 |
| 4. Constituziun | 8 |
| 5. Structuras e finanzas | 8 |
| 6. Rapport davart ils projects colloquials da lavur cun attempads | 9 |
| III. Rapports colloquials | 11 |
| 7. Occurrenzas colloquialas | 11 |
| 8. Instrucziun da religiun 2012/2013 | 11 |
| 9. Visitaziuns d'archiv | 12 |
| 10. Rapports dals (da las) preditgant(a)s laic(a)s | 12 |
| 11. Propostas per cudeschs | 13 |
| 12. Moziuns, intimaziuns e propostas | 13 |

| | |
|--|-----------|
| IV. Diversas infurmaziuns | 15 |
| 13. Elecziuns en il Cussegl grond evangelic | 15 |
| 14. Remplazzaments per servetschs pastorals | 16 |
| 15. Resumaziun dals resultats dals colloquis da primavaira | 17 |
| 16. Proceder cur ch’i vegn tschertgà in(a) reverenda | 17 |
| 17. Giubileums | 20 |
| 18. Spediziun dals protocols colloquials | 20 |
| 19. Colloquis d’atun 2012 | 22 |
| 20. Sessiuns dal Cussegl grond evangelic 2012/2013 | 22 |
| 21. Termins dals colloquis da primavaira 2013 | 23 |

I. Consultaziun

1. Tractandas

I na dat naginas tractandas.

II. Communicaziuns/enquistas dal Cussegl da baselgia

2. «Furmar la raspada»

Per sustegnair la lavur cun il model “Furmar la raspada” en las plaivs, regiuns e colloquis, ha il Cussegl da baselgia decis da metter a disposiziun ils instruments sequents:

1. Rev. dr. Markus Ramm che ha gidà d’elavurar il model, stat sco incumbensà da la baselgia chantunala dalunga a disposiziun per tut las dumondas enturn “Furmar la raspada”.

Contact:

Pfr. Dr. Markus Ramm

Voa Baselgia 2A

7078 Lenzerheide

Telefon 081 384 32 22

E-Mail: markus.ramm@gr-ref.ch

2. Tenor l’organigram en l’aggiunta a “Furmar la raspada” èn talas persunas da contact er previsas sin il nivel da la raspada e dal colloqui.

Perquai supplitgain nus las plaivs / cuminanzas da pastoraziun da reparter la responsabladad per la lavur da “Furmar la raspada” ad in ressort en lur suprastanzas (p.ex. instrucziun da religiun u furmaziun). Las persunas correspudentas èsi da communitgar cun ils protocols colloquials. Nua ch’i n’entra nagina communicaziun, vala automaticamain il presidi sco persuna da contact.

Nus supplitgain ils colloquis da numnar ina persuna or dal ravugl dals collavuratur (impiegà u voluntari) sco persuna da contact responsabla per la lavur “Furmar la raspada”. En

gronds colloquis, nua che la collavuraziun tranter las plaivs capita meglier en differentas sut-regiuns, pon quai er esser pliras persunas. Nua ch'i na dat nagina comunicaziun, vala automaticamain il presidi dal colloqui sco persuna da contact.

3. Per novs projects en il rom da "Furmar la raspada" metta il Cussegl da baselgia a disposiziun contribuziuns unicass. Ins po dumandar contribuziuns enfin 50 % dals custs budgetads fin CHF 3'000.- per project. Las dumondas èsi da far sin formulars (descripziun e budget dal project) ch'ins po retrair da www.gr-ref.ch sut «GemeindeBilden». Els èn d'inoltrar a l'incumbensà rev. Markus Ramm per mauns dal Cussegl da baselgia. Per entant pon ins inoltrar dumondas enfin la fin da l'onn 2013.

Projects che vegnan sustegnids dal Cussegl da baselgia e che han tuttina problems finansials vegnan renviads a la Lia protestanta d'agid dal Grischun. Tenor reglament nov dat quel sustegn finansial supplementar or da ses fond da projects.

En la speranza che uschia vegnia promovì ina buna lavur efficazia cun "Furmar la raspada", giavischain nus a tut ils collavuratur, voluntaris e commembers d'uffizis bleras bunas ideas e plaschair vi da la realisaziun.

3. Utensil per la planisaziun annuala da las lavurs

Il Cussegl da baselgia recumonda als consistoris ed als collavuratur (surtut reverendas e diacons socials resp. diaconas socialas) da far diever dal nov utensil per la planisaziun e fixaziun da lur miras ed intenziuns. Quel sustegna ils consistoris ed ils collavuratur en

l'organisaziun da las lavurs ch'i dat e pussibilitescha ina planisaziun transparenta da las lavurs.

- Las lavurs pon vegnir repartidas gistamain sin collavuratur cun differents pertschients d'engaschament, temps da lavur e dretg da vacanzas.
- Tenor ils basegns da las raspadas pon vegnir fixads differents accents da lavur (annuals) dals singuls collavuratur.

L'utensil consista d'in feagl da lavur Excel. Quel pon ins emplenir cun las lavurs planisadas. Per diversas activitads èn fixads temps normads. Preparar e celebrar in cult divin da la dumengia p.ex. è fixà cun 10 uras da lavur, mintga lecziun incl. preparaziun cun 1.75 uras da lavur.

La tabella Excel calculescha automaticamain l'entir pensum da lavur planisà d'ina persuna u d'in team ed evaluescha la planisaziun er statisticamain tenor champs da lavur. In pitschen manual declera finamira e scopo da l'utensil e dat in'introducziun per il diever.

Ils sinodals ed ils diacons socials resp. diaconas socialas han gia survegnì l'utensil. Commembers dals consistoris al pon dumandar da la baselgia chantunala. En occasiun da la dieta per presidents e presidentas als 17 da november vegn preschentà l'utensil per la planisaziun annuala da las lavurs.

Tar dumondas p.pl. sa volver a:

Kirchenratsaktuar

Pfr. Kurt Bosshard

Loëstrasse 60, 7000 Chur

Telefon: 081 257 11 00, E-Mail: kurt.bosshard@gr-ref.ch

4. Constituziun

In bun sboz preliminar da la constituziun cun visiuns è ussa avant maun. Da quest sboz preliminar èsi ussa d'elavurar in sboz per la consultaziun. Per quai vegn installada ina cumissiun da constituziun. La primavaira 2013 proponan ils colloquis personas interessadas; il Cussegl grond evangelic elegia il zercladur / gün 2013 questa cumissiun ed approvescha la descripciun dal project cun plan da termins e budget.

5. Structuras e finanzas

En art. 5 al. 1 dal sboz preliminar da la constituziun ha quai num: "L'extensiun e la grondezza da las plaivs vegnan definidas entras lescha." Quest artitgel na bitta betg grondas undas. Messa en dumonda vegn la quantidad da las plaivs numnada en las explicaziuns. Bliers crititgeschan che las plaivs na possian uschia betg decider, sch'ellas vuessan fusiunar. La collavuraziun en las regions haja da crescher da sut ensi.

Facturs che recumondan ina refurma structurala e finanziaria:

- i mancan resursas per ina vita ecclesiastica multifara en las singulas raspadas
- diminuziun dals commembers en quasi tut las plaivs (cun excepziun d'in pèr paucas plaivs pli grondas)
- il futur svilup social (populaziun multiculturala, societad pli veglia, damain meds finansials)

Il Cussegl da baselgia intimescha d'organisar en ils colloquis e/u en las regiuns forums da discussiun. El intimescha da far diever dals instruments "Furmar la raspada" ed "Utensil per la planisaziun annuala da las lavurs". Models da glistas da controlla, contracts da collavuraziun e fusiun stattan a disposiziun en la Loëstrasse.

Il Cussegl da baselgia vul far frunt al svilup finanziel che vegn ad esser pli difficil en l'avegnir. Sco emprima mesura recumonda el a las plaivs, d'examinar la necessitad da mintga expensa materiala. Tar ina midada da persunal èsi d'examinar la lavur e l'extensiun dal post. Tar la midada da reverendas applitgescha il Cussegl da baselgia ils criteris dal quadern verd (classificaziun da las plaivs) ed adattescha ils pertschients tenor la midada dal numer da commembers.

A media vista vegn il Cussegl da baselgia a proseguir pli restrictivamain tar contribuziuns ad edifizis ecclesiastics e centers da la raspada. Per la controlla dal budget vegnan elavuradas directives impegnativas per l'economia da finanzas. A lunga vista èsi indispensabel da surlavurar l'egualisaziun da finanzas.

6. Rapport davart ils projects colloquials da lavur cun attempads

La fasa da trais onns per la realisaziun da projects da lavur cun attempads è terminada. Ussa vegnan sistematicamain mess ensemen tut ils projects e lur realisaziun en ils singuls colloquis. Il rapport correspondent vegn preschentà l'atun al Cussegl grond evangelic che al duai er sancziunar.

Gia oz pon ins dir che la decisiun fundamentala, da metter a disposiziun als colloquis trais onns a la lunga meds considerabels per la lavur cun attempads, ha manà ad ina fitg gronda varietad da mesiras concretas e persvadentas. L'impuls finanziel ha manà en divers colloquis a da quella, da manar vinavant u d'intensivar schizunt las experientschas fatgas cun la lavur cun attempads, er sch'il project sco tal è terminà.

Perquai po vegnir attestà als colloquis la capaciad da cumenzar e da realisar projects cun success. Questa qualidad stat er en il center dal nov model "Furmar la raspada" da la baselgia chantunala. En quest rom vegn el sviluprà vinavant.

III. Rapports colloquials

7. Occurrenzas colloquialas

Il Cussegl da baselgia spetga il rapport davart las occurrenzas colloquialas dapi il colloqui d'atun 2011 sco conferenzas pastoralas, retratgas, occurrenzas a favur da la scolaziun da perfecziunament, festas circuitalas ed uschia vinavant. Quests rapports servan sco bursa d'ideas per auters colloquis. Perquai fan indicaziuns precisas davart referent(a)s e temas in bun servetsch. En la proxima publicaziun da primavaira vegnan questas indicaziuns publitgadas.

8. Instrucziun da religiun 2012/2013

Il Cussegl da baselgia dumonda er per quest onn da scola las datas per l'instrucziun da religiun entras il post da l'instrucziun da religiun.

Tar problems areguard l'instrucziun da religiun en l'onn da scola 2012/13 pon las plaivs sa volver a la manadra dal post da l'instrucziun da religiun.

Fachstelle Religionsunterricht
Pfrn. Ursula Schubert-Süsstrunk
Welschdörfli 2, 7000 Chur
Tel. 081 252 62 39
E-Mail: ursula.schubert@gr-ref.ch

9. Visitaziuns d'archiv

Tar mintga midada en la pravenda èsi da far ina visitaziun d'archivs extraordinaria da la part da la pravenda da l'archiv. Dapi l'atun 1991 vegn quella fatga d'in commember da la cumissiun d'archivs da la baselgia chantunala. Il Cussegl da baselgia supplitgescha las supranstanzas dals colloquis dad esser attentas ch'il president da la cumissiun d'archivs, rev. Kurt Bosshard, Loëstrasse 60, 7000 Chur (tel. 081 257 11 00, e-mail: kurt.bosshard@gr-ref.ch) vegnia infurmà, avant che in u ina reverenda u provisur(a) fa midada. Quel infurmescha il visitatur responsabel.

10. Rapports dals (da las) preditiont(a)s laic(a)s

Ils preditionts laics / las preditiontas laicas scrivon per mauns dal colloqui responsabel in rapport davart lur activitads durant l'onn 2011/2012, quai tenor art. 13 cif. 6 dal "Reglament davart la legitimaziun per servetschs pastorals en il Grischun" (910).

Il Cussegl da baselgia spetga quests rapports ensemen cun il protocol colloquial per invista. Sch'in(a) preditiont(a) laic(a) vul sa retrair dal servetsch, basti da notar quai en il protocol.

Proxima dieta per preditiont(a)s laic(a)s: sonda, ils 27 d'october 2012.

11. Propostas per cudeschs

Il colloquis pon proponer cudeschs per la biblioteca pastorala evangelica e trametter lur giavischs cun il protocol colloquial a l'actuariat dal Cussegl da baselgia.

Il bibliotecar, rev. dr. Jan-Andrea Bernhard, Castrisch, retschaiva gugent propostas per la cumpra da cudeschs che correspundan als novs criteris.

e-mail: pastoralbibliothek@gr-ref.ch

12. Moziuns, intimaziuns e propostas

Il colloqui po tenor art. 21 cif. 3 da la costituziun da la Baselia evangelica reformada dal Grischun surdar moziuns, intimaziuns e propostas al Cussegl da baselgia.

I sto esser evident, sch'i sa tracta d'ina moziun, d'ina intimaziun u d'ina proposta. I sto er esser evident, sch'i sa tracta d'ina moziun, intimaziun u proposta d'in colloqui entir tenor art. 21 da l'urden da gestiun dal Cussegl da baselgia, u d'ina moziun, intimaziun u proposta d'ina persona singula tenor art. 23 dal medem urden. Tar tut las moziuns, intimaziuns u propostas d'in colloqui sto vegnir nudà il resultat precis da las votaziuns.

Sch'il Cussegl da baselgia accepta moziuns, vegnan quellas suttamessas als colloquis ed a la sinoda per la consultaziun. Suentar vegnan questas tractadas definitivamain dal Cussegl grond evangelic. Moziuns acceptadas han per consequenza ina midada da la lescha. Sch'il Cussegl da baselgia refusa moziuns, motivescha el quai en il rapport uffizial.

Sch'il Cussegl da baselgia accepta intimaziuns e propostas, ha el la pussibilità da vegnir sez activ en il senn da quellas. Sch'il Cussegl da baselgia refusa intimaziuns e propostas, motivescha el quai en il rapport uffizial.

IV. Diversas infurmaziuns

13. Elecziuns en il Cussegl grond evangelic

En sia sessiun d'atun ha il Cussegl grond evangelic d'eleger:

- Elecziun d'in president u d'ina presidenta ed elecziun d'in vicepresidente u d'ina vicepresidente dal Cussegl da baselgia or dals commembers dal Cussegl da baselgia elegids gia al cumenzament da stad.

Cumposiziun dal Cussegl da baselgia (perioda d'uffizi 2013/2016):

decan rev. Thomas Gottschall, Trimmis (2011/2014)

Barbara Hirsbrunner-Marquart, Scharans

Christoph Jaag, Schiers

rev. Roland Just, Disentis

rev. Miriam Neubert, St. Peter

dr. Frank Schuler, Chur

Andreas Thöny, Landquart

- Elecziun d'in commember en il presidi dal Cussegl grond evangelic

Cumposiziun dal presidi (perioda d'uffizi 2010/14):

Irma Wehrli-Rudin, Davos Platz, presidenta

GR Andreas Thöny, Landquart, 1. vicepresidente

Pfr. Thomas Widmer, St. Moritz, 2. vicepresidente

Marlen Walter-Kohler, Safien Platz, dumbravuschs

GR Urs Zweifel, Küblis, dumbravuschs

L'emprim vicepresidente dal Cussegl grond evangelic, Andreas Thöny, Landquart, è en la sessiun da primavaira

vegnì elegì sco commember dal Cussegl da baselgia. .
Perquai sorta el dal Cussegl grond evangelic.

Cun il protocol pon ils colloquis inoltrar propostas per
l'elecziun.

- Elecziun d'in vicepresidente u d'ina vicepresidenta dal
Cussegl grond evangelic.

Ils candidats vegnan communitgads al Cussegl grond
evangelic ensemen cun l'invit a la sessiun.

14. Remplazzaments per servetschs pastorals

Tgi che tschertga remplazzaments per servetschs pastorals
chatta indicaziuns tar remplazzants pussibels sin duas
glistas che vegnan manadas dal secretariat dal Cussegl da
baselgia.

- La glista generala dals remplazzants, resp. remplazzantas
chattais Vus sin la website da la baselgia chantunala
www.gr-ref.ch sut: Downloads – Formulare –
«Stellvertreterliste».
- Il secretariat maina er ina glista da remplazzants resp.
remplazzantas che stattan a disposiziun ad ina tscherta
data. Tgi che dovra in remplazzament a curta vista, po far
diever da questa glista supplementara en il secretariat dal
Cussegl da baselgia.

Il Cussegl da baselgia dat als sinodals ed ad autras
persunas legitimadas al servetsch pastoral la pussibilità da
s'inscriver en questas glistas en il secretariat dal Cussegl da
baselgia.

- Tgi che vul s'inscriver u sa laschar stritgar sin la glista generala, s'annunzia p.pl. per mail tar il secretariat da la baselgia chantunala (claudia.tinner@gr-ref.ch).
- Tgi che vul s'inscriver en la segunda glista (dependenta da la data), trametta il formular correspudent al secretariat dal Cussegl da baselgia. Il formular actual chattan ins sin la website da la baselgia chantunala: www.gr-ref.ch – Downloads – Formulare – «Stellvertretungen Meldeformular».

15. Resumaziun dals resultats dals colloquis da primavaira

Furmaziun en musica sacrala en il Grischun (KIMUGR)

Tut ils colloquis sustegnan il contract interecclesiastic ed acceptan ils statuts. Singuls commembers dals colloquis 7 e 10 èn da l'avis ch'i sa tractia d'ina sur-reglamentaziun.

16. Proceder cur ch'i vegn tschertgà in(a) reverenda

Sch'i vegn tschertgà in(a) nov(a) reverenda, recumandain nus il proceder sco segua:

1. Infurmar l'actuar dal Cussegl da baselgia, ch'in(a) reverenda ha dà la demissiun.

Il Cussegl da baselgia fixescha a maun dals commembers actuals ed ils criteris dal "quadern verd" (classificaziun da las plaivs) da nov il pertschient da la piazza e communitgeschan quel al consistori da la raspada.

2. Il consistori decida, sch'el vul tschertgar sez in reverenda u sch'el vul installar ina cumissiun per quai. La cumissiun per eleger in reverenda vegn per regla tschernida da la radunanza generala.
3. Consistoris e cumissiuns per eleger in reverenda vegnan supplitgads da prender si contact cun il Cussegl da baselgia, avant che cumenzar a tschertgar in reverenda. Persunas da contact èn il decan, il commember dal Cussegl da baselgia cun il departament "Structuras e dumondas da dretg" ed il actuar dal Cussegl da baselgia.

Igl è er d'avantatg da sclerir cun il colloqui, sch'igl è inditgà da resguardar basegns regionalis en connex cun la tscherna d'in reverenda.
4. Il consistori examinescha il profil per la persuna tschertgada ed al formulescha.
5. Sboz d'in inserat.
L'actuar dal Cussegl da baselgia è gugent pront da leger l'inserat criticamain e da dar cussegls, avant che quel vegn publitgà. L'inserat po vegnir publitgà en la pressa, mabain er sin la website da la baselgia chantunala.
6. Tut ils interessents che n'èn betg sinodals, duain vegnir examinads da l'actuar dal Cussegl da baselgia sch'els pon vegnir elegids en nosssa baselgia chantunala. Las actas da las candidatas e dals candidats che vegnan en dumonda èsi perquai d'inoltrar a l'actuar dal Cussegl da baselgia, avant ch'i dat discurs cun ils interessents. I valan ils criteris dals regulativs 910 e 911.
7. Tar candidaturas da reverendas ordinad(a)s a l'ester decida il Cussegl da baselgia davart las cundiziuns. En la pli gronda part dals cas èsi da far in "examen complementar"

che cumpiglia er in praticum pastoral da quatter emnas en il Grischun.

L'actuar dal Cussegl da baselgia è gugent pront da declerar ad interessents senza l'elegibilitad tras il concordat, qualas cundiziuns ch'els han d'emplenir avant ch'els pon vegnir impiegads provisoricamain.

8. Tar mintga candidatura tutgan adressas da referenza. Il Cussegl da baselgia recumonda da dumandar en mintga cas dapli che ina referenza. En incumbensa d'in consistori u d'ina cumissiun per eleger in reverenda po l'actuar dal Cussegl da baselgia dumandar er referenzas da la baselgia d'origin.
9. Sche in(a) reverenda po vegnir elegì senza esser sinodal, sto el(la) vegnir impiegà(da) provisoricamain enfin ch'el(la) vegn recepì(da) en la sinoda. Cumenzar cun la lavur pon els be cun in permess en scrit dal Cussegl da baselgia. Per ch'i dettia il permess sto il contract da provisiun resp. d'engaschament vegnir inoltrà al Cussegl da baselgia.
10. Ina elecziun tras la radunanza generala vala adina sut la resalva da la recepziun en la sinoda.
11. Suentar la recepziun en la sinoda dumonda il consistori il Cussegl da baselgia da confermar l'elecziun. Il Cussegl da baselgia sutscriva la conferma, cur ch'igl è avant maun en scrit il contract da lavur definitiv. Cur che la conferma da l'elecziun è sutscritta da la plaiv, dal resp. da la reverenda e dal Cussegl da baselgia, è l'engaschament definitiv.

12. L'installaziun capita suenter la recepziun en la sinoda tras il preses colloquial resp. la presidenta colloquiala u in remplazzant.

17. Giubileums

Las suprastanzas dals colloquis ed ils consistoris pon communitgar en il protocol colloquial giubileums da servetsch d'impiegad(a)s ecclesiastic(a)s e da collavuratur(a)s voluntar(a)s. Sco giubileums da servetsch van 20, 25 u 30 onns da servetsch.

Questas communicaziuns pon vegnir agiuntas al protocol u er vegnir communitgadas separadamain ed en scrit a l'actuar dal Cussegl da baselgia: Kurt Bosshard, Loëstrasse 60, 7000 Cuir. Giubilars e giubilaras survegnan sper la renconuschiantscha da la plaiv u dal colloqui ina charta d'engraziament dal Cussegl da baselgia.

Tgi che ha lavurà dapli che 20 onns per ina plaiv e dat ussa si sia activitad, po er vegnir communitgà. El(la) survegn in document.

Igl è indispensabel, che las communicaziuns al Cussegl da baselgia davart giubileums cuntengan ils nums entirs e l'adressa precisa. Plinavant sto vegnir notada la funcziun ed ils onns precis dal servetsch. Be il num en il protocol dal colloqui, per mail u per telefon na basta betg.

18. Spediziun dals protocols colloquials

Nus essan cuntents, sche Vus tramettais ils protocols en furma electronica pli svelt pussibel. (word u pdf, a: kurt.bosshard@gr-ref.ch), per che nus possian cumenzar

cun l'evaluaziun. Moziuns e decisiuns p.pl. marcar visiblamain.

Ils protocols sin palpiri e suttascrits èsi da trametter enfin ils 30 da settember 2012 a:

Evangelisch-reformierte Landeskirche Graubünden

Pfr. Kurt Bosshard

Loëstrasse 60

7000 Chur

Preavis: Ils protocols dals colloquis da primavaira 2013 èsi d'inoltrar enfin ils **15 d'avrigl 2013**.

19. Colloquis d'atun 2012

| | | |
|---------------|--|-------------|
| Colloqui I | Sur igl Uaul | 19 da sett. |
| Colloqui II | Schons-Avers-Val Rain-Mesauc | 20 da sett. |
| Colloqui III | Sut igl Uaul | 12 da sett. |
| Colloqui IV | Cuira | 11 da sett. |
| Colloqui V | Signuradi-Tschintg vitgs | 19 da sett. |
| Colloqui VI | Scanvetg - Churwalden | 12 da sett. |
| Colloqui VII | Engiadin'Ota - Bregaglia - Poschiavo - Sursés | 5 da sett. |
| Colloqui VIII | Engiadina Bassa - Val Müstair | 29 d'avust |
| Colloqui IX | Partenz | 19 da sett. |
| Colloqui X | Tavau - Alvra | 12 da sett. |

20. Sessiuns dal Cussegl grond evangelic 2012/2013

| | | |
|--------------------|--------------|------------------------------|
| Mesemna 14-11-2012 | di entir | edifizi dal cussegl grond |
| Mesemna 5-6-2013 | suentermezdi | edifizi dal cussegl grond |
| Mesemna 13-11-2013 | di entir | edifizi dal cussegl grond |

21. Termins dals colloquis da primavaira 2013

Nus supplitgain ils actuars e las actuaras da notar en il protocol ils termins dals colloquis da primavaira 2013.

Cuira, fanadur 2012

Cussegl da la Baselia evangelica

Lini Sutter-Ambühl

presidenta

Kurt Bosshard

actuar